

INUIT ATAQATIGIIT

INATSISARTUNI



Nuuk, 20. august 2015
UKA2015/97

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ukioq 2016 naatinnagu tamatta oqartussaaqataanerput innuttaasullu pisinnaatitaaffii qitiutillugit paasisitsiniaanernik aallarniinissamik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasorta q Naaja Nathanielsen, Inuit Ataqatigiit)

Tunggavilersuut

Nunaasumi nammilersulivinnissaq siunnerfigalugu annertusiartortumik namminersortumi innuttaasut tamat oqartussanermut toqqaannartumik peqataanissaat qanorlu maleruagassaqarnersumik ilisimanninnissaat pisariaqartinneqaleriartorpoq. Maani nunami innuttaaqataalluni pisinnaatitaaffiit pisussaaffiillu atugassavut ilisimasaqarfiginissaat pingaaruteqarpoq. Taamatuttaaq pisinnaatitaaffitta suusupagineqarnerinik misigisaqaraangatta nikussaarsinnaanerput aamma pingaaruteqarluni.

Uanga isumaga naapertorlugu tamat oqartussaanerat pillugu paasisitsiniaanikkut innuttaasut pisinnaatitaaffiinik pisussaaffiinillu qaammarsarneqarnissaat malunnaatilimmik pisariaqarpoq. Arlaqartunik tunggavilimmik tamanna pingaaruteqarpoq: nunatta aqunneqarnerani nukinnik nutaanik pisariaqartitsivugut - tamannalu periarfissinniaraanni inuiaqatigiit ineriartornerini inuit amerlanerpaat sunik ingerlassisoqarnerseq ilisimasariaqarpaat. Taamatullu innuttaasut kikkuugaluarunilluunniit naligiimmata tusarniaavigineqarnissaminnillu pisinnaatitaaffeqarmata itinerusumik paasissallugu pisariaqarpoq. Kiisalu inuit pisinnaatitaaffimminnik ilisimanninnerisa qaffassarneratigut innuttaasut atornerlunneqarnissaannik pinaveersaartitsinikkut illersorneqarnissaat taama pingaaruteqartigaaq.

Arlaqartut pissutissaqarlutik pisorta qarfiit allaffeqarfii suliffeqarfiilu sorliit sunik isumaginnittussaanersut ilaatigut paatsiveqartinnagit nalornisarput, arlalippassuillu pisorta qarfinnik qanoq ililluni oqaloqateqarniarsinnaaneq nalornissutigisarlugu, immaqalumi allannguerusukkaluarlutik qanoq isumartik tusaaneqassanersaq pingaartumik ilisimaneq ajorlugu.

Isumaqarpunga taamatut paasisitniaaneq innuttaasut ukiui apeqqutaatinnagit tamanut sammitinneqassasoq, tassanilu inuiaqatigiit aqqissugaanerput, pisinnaatitaaffivut pisussaaffigullu qaammarsaatigineqassallutik. Isumaqarpunga taamatut paasisitsiniaaneq qarasaasiatigut periarfissat assiginngitsut atorlugit ingerlanneqassasoq, saniatigullu aamma radio, TV, innuttaasunik ataatsimiisitsinerit ilinniartitaanerillu ilaatinneqassallutik.

Pisortanut aningaasatigut allaffissornikkullu kingunerisassat.

Pisortanut aningaasatigut allaffissornikkullu kingunerisassat nalilerniaraanni paasisitsiaanermi suut ingerlanneqassanersut qanorlu tamanna sivistigissanersaq apeqqutaassaaq.

Assersuutissatut eqqaaneqarsinnaavoq pisuussutinik uumassusilinnik piujuaannartitsineq toqqammavigalugu atuineq pillugu paasisitsiniaaneq 'Tulugaq', ukiuni marlunni ingerlanneqartoq ilaatigullu innuttaasunik ataatsimiisitsinernik, TV-kkut radiokkullu aallakaatitsinernik, TV-kkut aallakaatitassiaaqanik kiisalu paasissutissanik naqitanngorlugit saqqummiunneqartunik imaqartinneqartoq 5,5 mio. kr.-nit miss. akeqarpoq.

Suleqatigiiffinnik kattuffinnillu pineqartumik soqutiginnittunik suleqateqarnissaq ilungersorlunga kaammattuutigerusuppara. Taakku paasisitsiniaanikkut allanillu suleqateqartarnikkut misilittagarisaat iluatinnarlutillu toqqammavissaqqipput.

Namminersorluni inuussutissarsiuteqarnermut aningaasatigut allaffissornikkullu kingunerisassat.

Siunissaq qaninnerusoq ungasinnerusorlu eqqarsaatigalugit soqanngilaq.

Innuttaasunut aningaasatigut allaffissornikkullu kingunerisassat.

Soqanngilaq.